

## Chartae Latinae Antiquiores XII (Germany III), Nr. 529

Pippinus rex Francorum vir inluster. Nihil, ut ait apostolus, in hunc mundum intulimus nec dubium, quia nihil exeo quicquam nobiscum auferre poterimus, nisi quod ob animae salutis devota mente locis sanctorum deo inspirante inpertire videmur. Ergo cognoscat magnitudo seu industria vestra, quod nos propter nomen domini vel aeterna retributione donamus a die praesente ad monasterio noncupante Fulda, qui est constructus in honore sancti Salvatoris, quem sanctus Bonifatius a novo construxit opere, ubi ipse praeciosus martyr corpore requiescit, quin potius prumptissima devotione tradimus villa, qui dicitur Thininga sitam in pago Rezi super fluvio qui vocatur Agira cum omni integritate, quicquid ad ipsa villa aspicere vel pertinere videtur, id est tam terris mansis cum hominibus conmanentes mancipiis silvis marcas vel fines campis pratis pascois aquis aquarumve decursibus mobilibus et immobilibus praesidiis quibuslibet adiacentiis totum et ad integrum, ut diximus, a die praesente ad ipso monasterio sancti Salvatoris, ubi ipse praeciosus martyr sanctus Bonifatius corpore requiescit, super fluvio Fulda per hanc seriem traditionis pro mercede nostrae augmentum donamus perpetualiter ad possedendum, ita ut ab ac die rectores ipsius monasterii ipsa villa qui dicitur Tininga cum omnibus adiacentiis vel appendiciis suis ad profectum ipsius ecclesiae eam teneant et possideant et usque in perpetuum eis proficiat in augmentum. Et ut haec auctoritas firmior habeatur vel per tempora melius conservetur, subter eam firmavimus vel de anulo nostro sigillavimus.

Signum † MF. Pippino gloriosissimo rege.

Hitherius invice Baddilone SR. NT.: Hitaerius subscripsi.

Data in mense iunio anno nono regnum nostri; actum Atiniago palatio publico.